

影刊宋金元明本詞

第十六册

蘇子瞻

PDG

稼軒詞序

器大者聲必闕志高者意必遠知夫聲與意之本原則知歌詞之所自出是蓋不容有意於作爲而其發越著見於聲音言意之表者則亦隨其所蓄之淺深有不能不爾者存焉耳世言稼軒居士辛公之詞似東坡非有意於學坡也自其發於所蓄者言之則不能不坡若也坡公嘗自言與其弟子由爲文多而未嘗敢有作文之意且以爲得於談笑之間而非勉強之所爲公之於詞亦然苟不得之於嬉笑則得之於行

樂不得之於行樂則得之於醉墨淋漓之際揮毫未竟而客爭藏去或閑中書石興來寫地亦或微吟而不錄漫錄而焚藁以故多散逸是亦未嘗有作之之意其於坡也是以似之雖然公一世之豪以氣節自負以功業自許方將斂藏其用以事清曠果何意於歌詞哉直陶寫之具耳故其詞之爲體如張樂洞庭之野無首無尾不主故常又如春雲浮空卷舒起滅隨所變態無非可觀無他意不在於作詞而其氣之所充蓄之所發詞自不能不爾也其間固有清而麗

婉而嫵媚此又坡詞之所無而公詞之所獨也  
昔宋復古張乖崖方嚴勁正而其詞廼復有濃  
纖婉麗之語豈鐵石心腸者類皆如是耶開久  
從公游其殘膏賸馥得所霑焉爲多因暇日裒  
集冥搜才逾百首皆親得於公者以近時流布  
於海內者率多贗本吾爲此懼故不敢獨闕將  
以祛傳者之惑焉

淳熙戊申正月元日門人范開序

稼軒詞甲集目錄

摸魚兒 二

沁園春 二

水龍吟 三

滿江紅 十

水調歌頭 九

賀新郎

念奴嬌 六

新荷葉 二

最高樓 二

洞仙歌 二

八聲甘州

聲聲慢

江神子 四

六么令 二

滿庭芳 二

鷓鴣天 六

醜奴兒近

蝶戀花 四

定風波

臨江仙 三

菩薩蠻 五

西河

木蘭花慢 二

朝中措 二

祝英臺令

烏夜啼 二

鵲橋仙

太常引

昭君怨

採桑子 即醜兒

杏花天

踏歌

一落索

千秋歲

感皇恩

青玉案

霜天曉角

南鄉子

阮郎歸

南歌子

小重山 二

西江月

減字木蘭花

清平樂 五

生查子 二

山鬼謠 即摸魚兒

聲聲慢

滿江紅 七

稼軒詞甲集目錄



稼軒詞甲集

濟南辛棄疾幼安

摸魚兒

淳熙己亥自湖北漕移湖南同官王  
正之置酒小山亭爲賦

更能消幾番風雨匆匆春又歸去惜春長恨花  
開早何況落紅無數春且住見說道天涯芳草  
迷歸路怨春不語萼只有殷勤盡簷蛛網盡日  
惹飛絮長門事準擬佳期又誤蛾眉曾有人  
妬千金縱買相如賦脉脉此情誰訴君莫舞君

不見玉環飛燕皆塵土  
閑愁最苦休去倚危樓  
斜陽正在烟柳斷腸處

又

觀潮上葉丞相

望飛來半空鷗鷺須臾動  
地輦鼓截江組練驅  
山去鏖戰未收貔虎朝  
又暮誚慣得吳兒不怕  
蛟龍怒風波平步看紅旆  
驚飛跳魚直上蹙踏  
浪花舞 憑誰問  
萬里長鯨吞吐人間兒戲  
千弩滔天力倦知何事  
白馬素車東去堪恨處  
人道是子胥冤憤終千古  
功名自誤謾教得陶朱

五湖西子一舸弄烟雨

沁園春

帶湖新居將成

三徑初成鶴怨猿驚稼軒未來甚雲山自許平  
生意氣衣冠人笑抵死塵埃意倦須還身閑貴  
早豈爲蓴羹鱸膾哉秋江上看驚弦鴈避駭浪  
船回東岡更葺茅齋好都把軒窓臨水開要  
小舟行釣先應種柳疎籬護竹莫礙觀梅秋菊  
堪餐春蘭可佩留待先生手自我沉吟久怕君  
恩未許此意徘徊

又

送趙江陵東歸再用前韻

佇立瀟湘黃鵠高飛望君不來被東風吹墮西  
江對語急呼斗酒旋拂征埃却恠英姿有如君  
者猶欠封侯萬里哉空贏得道江南佳句只有  
方回 錦帆畫舫行齋悵雪浪粘天江影開記  
我行南浦送君折柳君逢驛使爲我攀梅落帽  
山前呼鷹臺下人道花須滿縣栽都休問看雲  
霄高處鵬翼徘徊

水龍吟

爲韓南澗尚書壽甲辰歲

渡江天馬南來幾人真是經綸手長安父老新  
亭風景可憐依舊夷甫諸人神州沉陸幾曾回  
首算平戎萬里功名本是眞儒事君知否 况  
有文章山斗對桐陰滿庭清晝當年墮地而今  
試看風雲奔走綠野風烟平泉草木東山歌酒  
待他年整頓乾坤事了爲先生壽

又

次年南澗用前韻爲僕壽僕與公生  
日相去一日再和以壽南澗

玉皇殿閣微涼看公重試薰風手高門畫戟桐  
陰閣道青青如舊蘭佩空芳蛾眉誰妬無言搔  
首甚年年却有呼韓塞上人爭問公安否 金  
印明年如斗向中州錦衣行畫依然盛事貂蟬  
前後鳳麟飛走富貴浮雲我評軒冕不如杯酒  
待從公痛飲八千餘歲伴莊椿壽

又

登建康賞心亭

楚天千里清秋水隨天去秋無際遙岑遠日獻  
愁供恨玉簪螺髻落日樓頭斷鴻聲裏江南游

子把吳鉤看了欄杆拍徧無人會登臨意休  
說鱸魚堪膾儘西風季鷹歸未求田問舍怕應  
羞見劉郎才氣可惜流年憂愁風雨樹猶如此  
倩何人喚取盈盈翠袖揜英雄淚

滿江紅

賀王宣子平湖南寇

笳鼓歸來舉鞭問何如諸葛人道是匆匆五月  
渡瀘深入白羽風生貔虎譟青溪路斷猩鼯泣  
早紅塵一騎落平岡捷書急三萬卷龍韜客  
渾未得文章力把詩書馬上笑驅鋒鏑金印明

年如斗大貂蟬却自兜鍪出待刻公勲業到  
雲浯溪石

又

送湯朝美自便歸

瘴雨蠻烟十年夢樽前休說春正好故園桃李  
待君花發兒女燈前和淚拜雞豚社裏歸時節  
看依然舌在齒牙牢心如鐵 治國手封侯骨  
騰汗漫排閭闔待十分做了詩書勲業常日念  
君歸去好而今却恨中年別笑江頭明月更多  
情今宵缺

又

送李正之提刑

蜀道登天一杯送繡衣  
行客還自嘆中年多病  
不堪離別東北看驚諸葛表  
西南更草相如檄  
把功名收拾付君侯  
如椽筆  
兒女淚君休滴  
荆楚路吾能說要新詩  
準備廬江山色赤壁磯  
頭千古浪銅鞮陌上三更月  
正梅花萬里雪深時  
須相憶

又

中秋寄遠